




# 球星安迪斯娃

-  Eden Daniels
-  Eden Daniels
-  dohlia
-  Cantonese
-  Level 2





安迪斯娃好鍾意睇班男仔踢波，佢好希望自己都可以加入佢哋。佢問教練可唔可以同班男仔一齊訓練。



教練兩隻手叉住條腰，擰晒頭話：  
「喺呢間學校度，得男仔先可以踢波  
㗎咋喎。」



班男仔就叫安迪斯娃去玩投球。佢哋覺得，投球係俾女仔玩嘅，而踢波係男仔嘅運動。安迪斯娃好唔開心。





第二日，學校要搞場大型嘅足球比賽。教練就有啲擔心，因為隊中最勁嘅球員病咗，冇辦法上場。



安迪斯娃去搵教練，求吓佢俾次機會自己替補上場。教練仲心大心細，最尾佢決定俾次機會安迪斯娃試吓。



比賽好激烈，半場結束之後，兩隊都有入球。



比賽嘅下半場，一個男仔傳咗個波俾安迪斯娃，安迪斯娃飛咁快對住龍門走去，大力一踢，入咗啦！





全場都開心到癲！由嗰日開始，女仔亦都可以喺學校度踢波啦。



# Storybooks Canada

[storybookscanada.ca](http://storybookscanada.ca)


## 球星安迪斯娃

Written by: Eden Daniels

Illustrated by: Eden Daniels

Translated by: dohlia

This story originates from the African Storybook ([africanstorybook.org](http://africanstorybook.org)) and is brought to you by [Storybooks Canada](http://Storybooks Canada) in an effort to provide children's stories in Canada's many languages.



This work is licensed under a Creative Commons [Attribution-NonCommercial 3.0 International License](http://creativecommons.org/licenses/by-nc/3.0/).